


世界書局印行

景印
摘藻堂

四庫全書薈要

集部
第一三七冊
總集類





本冊目次

書名及撰人

卷次

頁次

宋詩鈔一百六卷 清吳之振編

卷二十至卷六十六

四八四一

欽定四庫全書薈要

集部
宋詩鈔卷三十

詳校官候選知縣臣吳甸華

欽定四庫全書薈要卷二萬二百八十三

集部

宋詩鈔卷三十

內閣中書舍人吳之振編

張耒宛丘集鈔上

耒字文潛號柯山人稱宛丘先生楚州淮陰人少善屬文遊學于蘇轍轍愛之因得從軾遊稱其汪洋沖澹有一唱三歎之聲第進士歷官至直龍圖閣知潤州坐蜀黨徙宣州謫監黃州酒稅徽宗起為太常出知潁汝復坐黨籍落職在潁時聞蘇軾訃至為舉哀行服遂貶房州別駕安置于黃後五年得許自便居陳時二蘇及黃晁諸人相繼殄歿惟耒尚存士人就學者眾分日載酒有事之名益甚卒年六十一史稱其詩效白居易樂府效張籍然近體工警不及白而醞藉閒遠別有神韻樂府古詩用意古雅亦長慶為多耳子瞻謂秦得吾工張得吾易謾相壓也要在秦晁以上

欽定四庫全書

宋詩鈔
卷三十

休日同宋遐叔詣法雲過李公擇黃魯直公擇烹
賜茗出高麗盤龍墨魯直出近作數詩皆奇絕
坐中懷無咎有作呈魯直遐叔

休日不造請出遊賢友同城南上人者宴坐花雨中金
猊散香霧寶鐸韻天風鳥語演實相飯香悟真空尚書
二三客淨社繼雷宗黃子發錦囊句有造物功握中一
寸煤海外千年松誰降午睡魔賜茗屠園龍晁子卧城
西咫尺不可逢豈無坐中客終覺欠此公歸帽見新月

欽定四庫全書

宋詩鈔
卷三十

二

撲衫暮塵紅困眠有餘想却聽寺樓鐘

掛虎圖于寢壁示秬程

畫工出幻事縞素發原藪蕭蕭白茅低凜凜北風走耽
然老於菟舉步安不驟目光炯雙射怒吻呀欲受彼彪
擲其旁文彩淡初就雖然竊形似已足走百獸煩君衛
吾寢振此蓬華陋坐令盜肉鼠不敢窺白晝

神運殿望香爐天池等峰晚宿官廳明日早發

遠公不出山坐受龍天供地祇敢愛寶木石親輸送巖

巖千年屋山立屹不動風雲宿脩梁星斗近華棟亭亭
碧香爐蒼筤時自涌五雲嚴擁衛天樂下鸞鳳神池閤
寶像光怪發巖洞誰能陟其顛手攬游龍輶東堂黃金
藏龍象儼環拱蕭條亡國輦拙樸昔誰用掃堂為一睡
清極乃無夢思歸戒晨發結束勤僕從鴻鍾振林莽月
落朝嵐重再往墮渺茫猿鶴應嘲諷

贈張公貴

我昔為諸生奉書諫議公後來辱稱獎禮數賓客同決

欽定四庫全書

宋詩鈔
卷三十

三

科甫弱冠年少氣如虹歸來陪後乘不責醉後恭孤舟
梁宋郊旅態萃百窮拜公睢陽府笑語若春風人事不
可期俯仰異吉凶平生丹竈術馬鬣哭新封十年得吾
弟懷舊涕沾胃清貧守家法眉宇肖德容交臂是非外
為寮兄弟中東軒語長夏葵竹羅青紅西舍雪夜歡玉
顏醉瑤鍾欲飲徑相就三更叱閣翁鯨吸絕遺滴山頽
信傾峰搜抉盡醬茹楂梨倒筐籠通宵兩沉醉午起頭
如蓬人生定當爾事去挽驚鴻河梁繫君馬一笑喜相

逢憐君碧紗幌夜淚哭韋叢我方困蘼鹽酸寒官辟離
同尋舊遊地塵壁眉絲蟲啼鳥古寺閒夏陰小園空酒
市逢好好琵琶失玲瓏歌舞一分散賓僚亦西東忘情
猶一歎齊物論非通官冷隱朝市端能信余慵人生當
富貴子盍自磨礪便當引五車一一貯心胃功就螳作
堦叢成蛇化龍北郊分袂歸作惡驚兒童長謠代晤語
發子一笑哄

離黃州

欽定四庫全書

宋詩鈔
卷三十

四

扁舟發孤城揮手謝送者山回地勢卷天豁江面瀉中
流望赤壁石脚插水下昏昏煙霧嶺歷歷漁樵舍來此
實三載鄰里通假借別之豈無情老淚為一洒篙工起
鳴鼓輕櫓健於馬聊為過江宿寂寂樊山夜

宿樊溪

黃州望樊山秀色如可鑒扁舟橫江來山脚繫吾纜大
川失洶湧淺水澄可攬北風吹疎雨夜枕舟屢撼齊安
不可望滅沒孤城暗奔流略溪口龍脣屢窺瞰平生千

金質戒懼敢忘慙茲遊定何名耿耿有餘念

道士磯

匡廬莫九江苗裔遍南服橫江蔽原野內外實一族危
磯插江生石色擘青玉蛟龍穴亂石猱攫在喬木我行
季冬月江蹟在山腹扁舟如鏡面清淨不可觸躋攀既
不可千古長幽獨緬想遂古初巢居戒樵牧

離樊口宿巴河遊馬祈寺

扁舟下樊溪江南正清瀉曉登巴河岸極目望春野步

欽定四庫全書

宋詩鈔
卷三十

五

尋脩竹寺古木爭偃亞云昔孫仲謀刑牲致師禡雄圖
邈已矣英槩足悲吒石梯造雲霧丹白開廣廈山僧安
寂寞畏冷不出舍勞生渴閒境頓使我心寫晚江平若
席風勢欲相借

龜陵灣阻風三日遙禱孤山而風止

積水多疾風三日阻我舟天寒波濤惡岸窟騰龍虬五
更船蓬鳴冷氣入衾裯平明諸山雪爛漫鋪琳瑯篙工
笑相顧白我巴船頭永愧小孤神霧鬢橫星眸倉卒禱

即應知我厭滯留稍晴景物好柳色含新柔春風我故舊迎我入東州

自離富池凡三禱順濟龍求便風皆獲應又風日

清霽舟行安穩委曲如所欲感而成詩

旗尾指船頭篙工告風便張帆施雙櫓去勢如脫箭船傍兩高山過目若流電波平舟穩駛客寢兀未變吾聞江西龍神力回宇縣往來萬夫禱正直乃獲願嗟余何所恃誠恪無所薦神豈哀吾窮有賜不待獻乃知人窮我本不坐神譴人間事苦異未易以言辨坐令千里遠近若在几研慙非謝宣城援筆賦靜練

出山

青山如君子悅我非姿媚相逢一開顏便有論交意今晨決然去慘若執我袂謂山無見留此事寧久置道邊青髮翁下有白玉髓斲之龍蛇窟自足飽吾世平生耽幽獨乃若安朝市一官等塵垢安得敗成計草堂醉老子虎溪大開士寄語二主人為留三畝地

欽定四庫全書

宋詩鈔
卷三十

六

離陽翟

驅車發潁川回望失嵩少霜氛塞層空黯淡寒日曉原田際天平百里見飛鳥累累道傍丘石獸卧衰草不知誰氏碑剝裂偶未倒支離見隸字書帶漢筆妙遺墳不可問文彩竟何效永年恃金石此計久可笑昔遊已三歲存沒傷懷抱飽諸人世憂安得身不老

次潁川

許昌古名都氣象良未替客子遠道來塵埃滿襟袂黃昏造孤驛買飯嚙枯葢庭寬蟾蜍高霜氣徹寒被賴攜朱提杯可具一飲費無人勸我酌孤燭伴客醉笙簫誰家樓語笑月中市何人不行樂而我獨涕淚夜長更漏稀風急鼓輦駛天明卷席去行止隨所值

同楊二十緱氏寺宿草酌張正民秀才見訪

契濶千里別惻愴難具言殷勤一宵語願子未即眠空堂燈火青旅褐借僧氍毹勞勞一杯酒不解道路寒經年相從樂既別亦茫然人間事盡爾聚散亦何歎但悲多

欽定四庫全書

宋詩鈔
卷三十

七

難身尚獲朋友權問關百憂中一笑直萬錢張子年未
冠已雄羣少年巉巖坐我側紫眸秀雙顴壯志激衰懦
清談破愁煎天明即分散奈此情悄悄

初到都下供職寄黃九

千里不相見勞勞復何辭不應一城中耿耿令我思
舍酒家樓榭壚卷其旗鼠壤敗晨炊守翁噪羣兒馬傍
挾兩羸雙踵待刻移五日長安塵故山夢中歸何以洗
我心望君青松姿懷情久不吐古屋絃悲詩

欽定四庫全書

宋詩鈔
卷三十

晚歸寄無咎

屋東雲移山屋西日半壁餘天一劍青遠雨萬絲白官
事癡可了未遭官長責惟應晁夫子不可別頃刻

西山寒溪

一本云挈家同潘郎游寒溪西山二寺
并寄郊老詩中亦顏郊老書齋名也

茲行頗閒暇聊此一作山水間一作幸有所攜人臭味

同一源山蹊並脩澗嘉木間蒲蓮杉松開一作鳴一作古刹一作

始覺此溪寒孤亭出屋背石磴相牽攀迎客窮道人

俯俚髯眉斑釋子一作草草具麤糲雖貧有餘歡一本有三
杯徑就醉

陟嶽初午一作登西山去一作路作九曲彎山禽慣不

驚夏木秀且繁緬懷紫髯公莫玉祠天壇豪彊一作有

遺韻興廢一作無留觀空崑一泓泉引余掬清甘一作眼明

崑間泉引至人悲熱惱遺一作此消昏煩一作驅我茶

非世間一作天上蒼月團為爾惜不得烹啜一作澆晨

食深一作谷晚易陰快一作雨時班班一作但見夾道

松龍鬚濕蒼顏念一作我亦顏人深一作居閉一作柴

一作關不使倒珠玉使一作我胃中慳之官亦漫浪遇

欽定四庫全書

宋詩鈔
卷三十

勝却一作盤桓平生據頑鈍信命傲憂患言歸徒旅一作

御疲就蔭休征鞍

讀中興頌碑

玉環妖血無人掃漁陽馬厭長安草潼關戰骨高於山

萬里君王蜀中老金戈鐵馬從西來郭公凜凜英雄才

舉旗為風偃為雨洒滌九廟無塵埃元功高名誰與紀

風雅不繼騷人死水部曾中星斗文太師筆下蛟龍字

天遣二子傳將來高山十丈磨蒼崖誰持此碑入我室

使我一見昏眸開百年廢興增歎慨當時數子今安在
君不見荒涼渚水棄不收時有遊人打碑賣

出長夏門

初望龍門

出郭心已清青山忽相對游人傍流水俯仰秀色內誰
張蒼玉屏中斷神斧快清伊瀉其間銀漢曳天派參差
樓觀出杳靄林麓邃巖聲答遠響水影弄空翠同遊得
君子同榮教授興與煙霞會選勝雖自茲高懷已塵外

飯昭果寺

欽定四庫全書

宋詩鈔
卷三十

十一

飄然乘興遊有酒笑俗具僧居致野飯草草亦有趣山
僧慣迎客煮茗新泉注巖花得春遲晚秀見紅素蕭蕭
野市井人物自來去溪光送孤舟石色照素樹題名掃
高壁歲月記所遇書罷迹已陳出門猶反顧

石樓

清溪若奔虬八鎖束其頸犇騰去莫脫擺掣恣驍猛嘈
嘈戰風霆萬鼓助其勁聲驅石崖動氣抱晴日冷我來
怯初登注視久乃定悠悠山川濶寸目羅萬景平生林

野趣疎放謝鞭警會期山月出一嘯清夜永

上方

足躡青玉磴躋攀不知勞回頭瞰木杪始覺所歷高孤
鳥去滅沒奔溪深怒號白日當畫梁青雲送微颺坐久
神慮平微涼清骨毛但驚塵垢容俯仰近赤霄古壁有
遺字昔人嗟寂寥南風不知暑古木常蕭蕭

廣化遇雨

浮雲蔽高峰臺殿延晚色風聲轉谷豪雨脚射山白東
樓瞰虛明龍甲排檜栢蕭森異人境坐視動神魄撞鐘
寺門掩晚霽尚殘滴相攜下山去塵靜馬無迹歸來解
鞍歇新月如破壁但恐桃花源回舟已青壁

贈無咎以既見君子云胡不喜為韻八首

平生懷想人握手良未易接君同舍歡此事非此世十
年淮海夢一笑相逢地投分白首期願言何有既
賢愚譬觀形美醜不自見醫肱待三折劒鐵要百鍊磨
君古青銅汰揀寄明辨一智出千愚食芹敢忘獻

欽定四庫全書

宋詩鈔
卷三十

十一

文風還正始磊落有諸君長者進後生亦使我有聞譬
如狸與虎偶使並稱文終然不可及困我力空勤

文衰東京後特起得韓子支撐譏笑中久乃化而靡籍
湜既洒掃後生始歸市垂君拯溺手請效我一指

詩壇李杜後黃子擅奇勲平生執羈勒開府與參軍舉

世秉筆徒吟哦謾云云安知握奇律一字有風雲

觸有羸其角進有跋其胡膏車秣吾馬白日在脩途雖

乏無何杯頗多未見書力學致事功良田本深鋤

欽定四庫全書

宋詩鈔
卷三十

十二

黃子少年時風流勝春柳中年一鉢飯萬事寒木朽室

有僧對談房無妾持帚此道人人事誰令余獨不

南山縛虎師有顧世書字揚眉哦楚喉鼎畔倒俟喜詩

聲一蒼蠅下到霹靂耳庸庸老尋常物外有奇偉

與潘仲達二首

東風沛甘雨百物一時好江南桃李盡紅紫到百草道

傍負擔子寒食歸祭禱念我淮上丘三年不躬掃

淮陽牡丹花盛不如京洛姚黃一枝開衆艷氣如削亭

亭風塵裏獨立朝百萼誰知臨老眼得到美葵藿

次韻秦觀

琬琰非世珍昔以羊皮換嗟君復何求衆棄乃所玩十
年少游兄閉口受客難二毛纔一第俗子猶憤惋人間
異巧拙善琢貴顏汗婢娟守重閨倚市爭倩盼君胡寶
滯貨屢辱訪衰懦譬猶臥仆塗更侑觥與散球然瑚璉
質磨琢爭璀璨遲君三年鳴更用驚我慢

阿几

欽定四庫全書

宋詩鈔
卷三十

十三

小兒名阿几眉目頗疎明日來書案傍學我讀書聲男
兒事業多何必學讀書自古奇男子往往羞為儒阿几
笑謂命薄雲無密雨看爺飢寒姿兒豈合富貴翁家破
篋中惟有書與史教兒不讀書更欲作何事

宿虹縣驛

長隄隘舟車上下無暫歇煎熬古驛門聒聒爭瑣屑東
南淮浙富輸餽日填咽楚風習喧卑吳舌動嘲咍平生
耽靜意投閑劇含噦况茲道路勤強食慰飢渴年來嵩

洛興久與泉石結終當卜吾廬雲山對華髮

有感二首

昨日鷓鴣作巢今者鷓鴣兒念知三月闌春物行已稀晚
風颯不收殘紅怨餘姿回風起輕寒擁爐火重吹燈明
夜齋靜目澁臨書遲病齒不飲酒持杯勸妻兒豈無兒
女心惆悵桃李蹊彼昏安目前丈夫方有思
古今不殊途掩卷獨長想炎爐與死灰相去如反掌彼
昏誠不知一醉富莫量那知道傷殍曾是厭盃盞一金
短販兒豈暇議得喪但怜反覆間觀者為惆悵聖賢蹈
大方不苟目前妄寄身愛憎間得失真一餉

春雪

天寒城南寺門外無馬迹東風雪疾消春泥深一尺豈
無老款段畏蹶不敢策還歸見兒女怕冷不下席揚雄
玄未就雙鬢颯已白雖云客載酒此意終岑寂功成則
有命生事亦人力胡為不自勤守此欲何獲田桑既有
裕醪醴亦餘溢嗟哉好事客從古百無一

欽定四庫全書

宋詩鈔
卷三十

十四

秋感二首

秋日無遠暉秋草無美姿殘蛩弔白日寒鳥悲空枝時
節一如此余出悵安歸強歌不成音還坐空涕垂感動
百慮進觸心遂紛披棄捐勿復道日暮眠吾帷
秋山多遠聲日暮尤多態肅風落高樹清澗瀉寒瀨鳴
蛸默誰憐瘖死不償罪蛩啼獨不已有慙未逢解天時
激汝曹寧自知進退吹噓成踴躍芻狗忌徹祭庭空月
宵挂園冷露晨沛嗟哉心難忘拊事還感槩

魯直惠洮河綠石作冰壺研次韻

洮河之石利劒矛磨刀日解十二牛千年荒檄因沙磧
一日見寶來中州黃子文章妙天下獨駕八馬森幢旒
平生筆墨萬金直奇煤利翰盈篋收誰持此研參案几
風瀾近手寒生秋包持投我棄不惜副以清詩帛加璧
明窗試墨吐秀潤端溪歛州無此色野人齋房無玩好
慙愧衣冠陳裸國晁侯碧海為文辭盤礴萬頃澄清漪
新篇來如徹扎箭勁筆更似畫沙雖知君自足報蒼壁

欽定四庫全書

宋詩鈔
卷三十

十五

愧我空賦瓊瑰詩

王晉卿惠詩逾年不報累來見索而王許酒未送

因其韻督之

酸寒杜陵老痛飲遺身世雲安小縣麴米春遙知美味
無多子猶令此老氣如虎傲兀幾以醉為累爭似侯家
美酒如江湖金鑄犀杓與之俱玉壺滿傾春水快銅槽
夜滴秋雨疎主人文章足賓客許致麴生來坐側三杯
脫帽我家風渴如旱田占雨虹冷官如餅君未見腹惟

欽定四庫全書

宋詩鈔
卷三十

十六

貯水冰生面鳴鞭走送煩騶轡坐對朝雲北風起未欲
煩公大作譙老夫自斟看深淺

福昌秋日效張文昌二首

秋野無人秋日白禾黍登場風索索豆田黃時霜已多
桑蟲食葉留空柯小蝶翩翩晚花紫野鶉啄粟驚人起
洛陽西原君莫行秋光處處傷人情

黃桑蕭蕭秋水清田中日午村鷄鳴場邊九月禾黍熟
空原雉飛飽新穀籬籬蟲鳴村路曲道邊古墳生野菊

人稀田濶草茫茫洛陽秋深能斷腸

題韓幹馬圖

頭如翔鸞月頰光背如安輿鳬臆方心知不載田舍郎
猶帶開元天子紅袍香韓幹寫時國無事綠樹陰低春
晝長兩髯執轡儼在傍如瞻馳道黃屋張北風揚塵燕
敵狂廐中萬馬歸范陽天子乘騾蜀山路滿川苜蓿為
誰芳

罔沙阻風

欽定四庫全書

宋詩鈔
卷三十

十七

大江春風浪如屋客舟迎風罔沙宿連檣接柂古岸傍
岸上無人春草綠船頭日出炊烟起買魚攜菜來就市
漁人水惡不出門蕭條野市無鷄豚堤邊紙錢灰若雨
洗酒賽神巫降語南人艇子不避風橫江五兩翩翩去
有感三首

郁城本自貳師謀騎士拔劍猶封侯董生明經守正直
白首區區相侯國參差世事足嗟歎聲平我笑羣兒較目
前可能董子之榮辱乃在封侯得失間

羣兒鞭笞學官府，翁憐兒癡，傍笑侮。翁出生曹鞭復呵，
賢於羣兒能幾何？兒曹相鞭，以為戲。翁怒鞭人血流地，
等為戲劇，誰後先？我笑謂翁兒更賢。

南風霏霏麥花落，豆田漠漠初垂角。山邊夜半一犁雨，
田父高歌待收穫。雨多蕭蕭蠶簇寒，蠶婦低眉憂繭單。
人生多求復多怨，天工供爾良獨難。

到陳午憇小舍有任王二君子惠牡丹二槃皆絕

品也是日風雨大寒明日作此詩呈希古

欽定四庫全書

宋詩鈔
卷三十

十八

初來淮陽春已晚，下里數楹聊寢飯。此邦花時人若狂，
我初稅駕遊獨懶。任王二君真解事，走致兩槃紅紫爛。
天姝國艷照部屋，持供佛像安敢慢。江湖逢春豈無花，
格頑色賤皆可揀。誓觀中州燕趙態，一洗千里窮荒眼。
風波歷盡還故郡，此願誰知輒先滿。那知中夕忽凜烈，
卧擁牛衣眠失旦。名園泥淖安可入，坐惜殘芳風雨散。
東隣夫子亦嗜酒，卧聽午鷄方起盥。晴明猶及一寓目，
我老尚能揮大醖。

次韻答天啟

黃鍾無聲登瓦釜，蔡子青衫在塵土。逼人爽氣百步寒，
知子胸中有風雨。三年河東走戎馬，絕口魚鰕便酪乳。
歸來萬卷付一讀，不學兒曹用心苦。周瑜陸遜久寂寞，
千年北客嘲吳語。莫徒彩筆雲錦張，要是寶劍蛟龍舞。
天兵百萬老西北，快馬如飛不出戶。眼看六纛出麒麟，
走取單于置刀俎。

赴亳州教官次韻和中書錢舍人及亳州晁美叔

欽定四庫全書

宋詩鈔
卷三十

十九

見贈

久知疎慵難應接，勉強一官親訟牒。羈窮正似鳩無巢，
擺去不如魚有鬣。從來書史鈍蹊徑，更歎詩騷窮事業。
幾思狐白易絮纈，羞褫舊服求新袂。又憐夸毗竟何得，
把玩區區一蚊睫。久知趨向合飢寒，正藉文章謾嘯嘑。
紫微丈人椽作筆，誰得羸師輕傳諜。知擒敢慢武侯縱，
有穿前知魯侯歛。荒蕪滿編求指摘，望以餘光分晷晷。
乃蒙稱屈力褒揚，不意糞壤藏諸篋。獲如丘陵飽則可，

良御不悅猶非獵平生賞遇有君子處世雖鈍吾知捷
清閒得食學官祿願以詩書填吻頰牙懸喜校鄴侯籤
藤織新成沈郎笈晁公聲名三十載餘事筆蹤傳法帖
紫芝眉宇望不遠屈指數日無旬浹黃衫健步書見賜
紫誥除官等何蹤久懷薄技待後乘宣管盈囊紙來歛
坐乖前計空惋悵袖裏從今雙手摩醉歸應被官長瞋
未飽徒勞方朔懽

蘇叔黨呂知止自許下見訪叔黨有詩見贈賦此

欽定四庫全書

宋詩鈔
卷三十

二十

奉答

三年齊安看江山可當中原故人面北來塵埃逢故人
眼前却作江山見君似江山定不疎能出吾言世亦無
蘇郎下筆妙無敵呂郎與談驚未識鳳雛驥子未宜輕
囊空各有千金璧贈君錦繡英瓊瑤報我琅玕金錯刀
溪毛潢污未相棄歲暮與君甘縕袍

遊武昌

一葉橫江凌浩渺李君見我迎門笑鵝黃初熟醅旋壓

書室焚香地新埽淋漓歌笑不知夜竹榻枕藉眠諸少
老人被暖覺獨晚驚起東南日如燒四明陳子定愛客
生火寒廳邀我到盤肴香潔具俄頃鱸斫寒魚初出沼
仲謀霸氣久寂寞元子亭基尚危峭荆榛荒梗上石磴
人物清江開野廟莫投明府快一飲主意殷勤賓屢醕
星河破碎歸中夜明日清淮理歸棹王家园館靜人眼
挂壁於菟疑欲嘯殺鷄為黍辨倉卒看畫烹茶每醉飽
還家閉門空寂歷勝境目前皆了了茲遊可再誰汝嗇

欽定四庫全書

宋詩鈔
卷三十

二十一

老嬾似不能輕矯西山得霜瘦如削蕭寺崢嶸出粉籜
幸余腰髀猶足使與子凌寒恣遊眺

秋雨小酌贈賈七

出門秋雨泥漫漫嗟哉后土何時乾官曹事休歸舍卧
破屋浙浙西風寒弱妻傾榼勸我起稚子笑語爭杯盤
我生樂事但如此為爾一醉愁腸寬仕塗翩翩鬪巧捷
華裾鮮轂相追攀老來百事覺羞耻懶伴兒女塗鉛丹
賈郎豪華獨異我粉腮玉指雙鵝鬟清眸侑酒醉百酸

有咀貧甕寒齏酸堂前菊花日以好落砌撼梧桐殘
當謀痛飲待九日豪氣一壓龍山桓

寓陳雜詩

朝雨如霧絲咫尺不相辨俄然晨光漏紺碧出天面天
工易明晦頃刻俄屢變今朝事大定雲物卷組練客有
北來說蠅生被數縣穀穗無一粒遺稗如立箭卑田成
大澤投種哀莫見官人惜不知猶喜輸租辦興懷及鰥
寡獨愧吾飽飯

欽定四庫全書

宋詩鈔
卷三十

二十三

開門無客來永日不冠屨客知我老懶投刺輒復去端
成兩相忘因得百無慮故人在旁郡書信不能屢興哀
東坡公將揜邾山墓不能往一慟名議真有負可能金
玉骨亦逐黃壤腐但恐已神仙裂石終飛去

我不知暑退但覺衣汗乾頗怪庭中天湛然青以寬有
物叫草根啾啾自相喧問知已新秋大火流金九天公
變寒暑正爾事亦繁靜觀付一笑吾事寧相關但思筋
力健悠然佳意還喧喧憎隣里砧杵亂人眠

秦子死南海旅骨還故墟辛勤一生事空得數編書琅
琅巧言語玉佩聯瓊琚知者能幾人憎者頗有餘書生
事業薄生世苦勤劬持以待後世何足潤槁枯興懷及
平昔使我涕漣如道路阻且長悲哉違撫孤

寄李端叔

陳墟自古皇疆野實楚縣沃野接神畿荒溝漕淮甸民
風靜而陋原隰平以遠我來逢艱歲禾黍秋色淺荒居
咽蛩蚓風雨老藜莧閉門謝車馬隱几親筆硯馬迹巷
泥深庖烟簷日晏深居窺老易妙理珠自玩困享方寸
足夸安勞遠願乖離感歲月老色各滿面友道古所敦
尺書莫辭倦

秋日曬古城

秋日曬古城西風振塵埃出門何所之壞道連蒿萊飛
鳴鷄犬稀破屋枯壕隈老圃理蔬畦晚甲瘦未開輸人
暮出城栖鷗一一回悵然心不怡歸坐勸一杯

孫志康許為南釀前日已聞糴米欣然作詩以問

欽定四庫全書

宋詩鈔
卷三十

二十三

之

平生一尊酒風月不可無謫官將十年一醉未易圖市
豈無旗亭官亦有酒壚薄苦與釀酸一滴不可沾英英
孫夫子臭味真吾徒自云得異蘖乃出粳稻腴藏久精
粹去去者乃其粗醞釀纔浹日芳甘已盈壺僉人喻其
力若火經茅蘆此語真野陋殆出負販夫前日聞吉語
糴便已在途每恨陳乏糲價直如買珠憐君久客囊傾
倒無復餘假器走僕僮供我一笑娛欲為漉巾潛請學
滌器如作詩以訊之何日陳尊盃

欽定四庫全書

宋詩鈔
卷三十

二十四

歲暮即事寄子由先生

歲暮淮陽客貧閒兩有餘朝昏面壁坐風雪閉門居老
去深依佛年衰更嗜書未能忘素業聊用慰窮途下里
皆貧屋開門即古墟鷄豚來近舍春汲賴鄰夫雪壓移
來竹霜萎自種蔬烏皮蒙燕几褐帽裹僧顱肉似聞韶
客齋如持律徒女寒愁粉黛男窘補衣裾已病藥三暴
辭貧飯一盂長餅卧牆角短褐倒天吳宵寐衾鋪鐵晨

炊米數珠大撓隨杜脰葛製暖寒軀時命今如此功名
已矣乎談愁風射馬拙待兔逢株久慕真乘樂深諳夢
境虛誰憐九頓首止有一長吁瞻望身空老蒼茫歲欲
除何當聞妙誨黥刑待完膚

贈翟公巽

我昔出守來丹陽江流五月如探湯史君之居在山腹
繞舍樹石何青蒼千年藥根蟠井底靈液浸灌通寒漿
人言枸杞精變狗夜吠往往聞空廊金山蕩滴浪花裏
一舸遙去隨漁郎最奇巖齋人迹少乳水時滴白石牀
翠鼃坡陀負日色白騎掀舞占風祥我留金山九十日
窮探力取無遺忘南風吹我渡江去已厭淮南塵土黃
二十年間多少事身如疲馬起復僵淮南窮棲衆人後
朝食不充藜苋腸公來衰顏得一笑側聽高論驚尋常
窮閭過我坐至暮滿懷珠玉無疵糠乃知世間有清議
未可盡以己意量精金白壁天所寶理無破碎委道旁
半年耳冷不聞此遇公矍然神激昂論交自顧已老醜

欽定四庫全書

宋詩鈔
卷三十

二十五